

**Cogitationes, Sive Considerationes Christianae Pro
singulis Anni diebus**

Complectens Octobrem, Novembrem, Decembrem

Nepveu, François

Monachii, 1709

Dies 22. De humilitate, suique, despicientia.

[urn:nbn:de:hbz:466:1-60533](#)

December

exemplum, amóisque, quem omnibus hisce miserijs se subjiciendo nobis testatur; atque amor, quem ipsi debemus, ad eas non modò sine difficultate, sed & cum voluptate amplectendas nos non obligent?

Si difficile nobis acciderit ærumnis, & de pressionibus nos submittere, cogitemus, Christum illius se amore nostri subjecisse; erubescamus proin, quòd eas amore ipsius lubenti animo non acceptemus.

Christus passus est pro nobis, vobis relinquens, exemplum, ut sequamini vestigia ejus. 1. Petr. 2. 21.

Prior babit medicus sanus, ut bibere non dubitaret ægrotus. Aug.

D I E S XXII.

De Humilitate, & Sui Despicientia-

I.

Si gloriæ cupiditate flagramus, solidam, verámque gloriam quæramus. At ubinam veram inveniemus, nisi in nostri contemptu & depressione? estne aliquid gloriæ Dei majus? Hæc est Bonum divinum, bonum aliquo modo infinitum.

Est.

December. Estne igitur majus quid , nobisque glorio-
sius, quàm eam promovere ? exemplum
Christi id nobis ostendit , humilitate , sui-
que contemptu ad eam comparandam non
esse medium efficacius. Christus Patris
sui gloriam nunquam ita manifestavit ,
quàm ubi magis fuit contemptus ; videli-
cet tunc , cùm angeli cantarunt : *gloria in*
altissimis Deo. Tunc , cùm Pater æternus
ostendit , filium suum , æternæ oblectatio-
nis suæ scopum esse. Sumusne unquam
sublimiores , & gloriosiores , quàm , ubi
propius , ad sublimitatis , & gloriæ ori-
ginem accedimus ? an non Christus Ho-
mo-Deus veræ sublimitatis , & gloriæ est
origo ? an igitur unquam sublimiores , &
gloriosiores sumus , quàm , ubi propius ad
ipsum accedimus ? an verò unquam pro-
piores ad ipsum accedimus , quàm , ubi
humiles , & contemphi sumus , & ipsius
amore nostri contemptum amamus ?

II. Si perfecti , si sancti esse volumus ;
humiles sumus ; tum sanè nostri contem-
ptum lubenti animo feremus. Sanctitas ,
& perfectio nostra in similitudine cum
Christo , & in cordis , animique cum ipso
conformatio[n]e consistit. An simul , &
Christiani esse , & hac de re dubitare pos-
sumus ? an hanc cum ipso conformatio-
nem

nem habere possumus, si non amamus, si December,
non æstimamus, si non amplectimur id,
quod ipse amavit, quod ipse æstimavit,
quod ipse amplexus est? nempe humilitatem,
nostrum contemptum, & depressionem?
ipius vita non fuit, nisi perpetuum
humilitatis exercitium, quam continua
depressionis series. An ergo ei similes,
perfectique esse possumus, si eas cum hor-
rore fugimus; si cum impatientia eas fe-
rimus? si humilitas perfectionis nostræ
fundamentum est, tum amor Christi ejus-
dem culmen est. An melius amorem
nostrum ei testificari possumus, quam si
ipius amore, repugnante licet naturâ, o-
mnes, qui nobis obveniunt, contemptus
perferamus?

III. Si Beati esse cupimus, humilitatem, & contemptum amemus. Quid vi-
tam hanc beatam reddit? nisi pax? &
quid tutius conciliare pacem nobis potest,
quam humilitas, & amor, vel certe vo-
luntaria depressionum acceptatio? anima
humilis semper tranquilla est. Quidnam
est, quod pacem nostram turbat? parva
æstimatio, quam alij de nobis præ se fe-
runt? si humiles sumus, si contemptum
amamus, poterimusne commoveri, & tur-
bari, dum habemus, quod amamus? Id,
quod

December. quod non raro molestiam nobis parit, est contemptus. Homo humilis locum postremum semper quaerit; competitorem non inveniet, qui cum ipso de hoc loco rixetur. Hæ inquietudines, hæ molestiae, quæ toties pacem tuam turbant, non nisi è superbia oriuntur. Humilis esto, tum citò pacem possidebis.

Pete à Christo Domino per ipsius humilitatem, ut gratias tibi impertiat necessarias ad se imitandum, & tui contemptus saltem cum patientia tolerandos; si tantum animi non habes, ut eas ames.

Reges gentium dominantur eorum; vos autem non sic: sed qui major est in vobis, fiat, sicut minor. *Luc. 21. 25. & 26.*

Ita ne magnum est, fieri parvulum, ut nisi à te, qui tam magnus es, disci omnino non posset? *Aug.*



DIES